

78 N 14 [84]

ICONEM ANIMI
LEVI PENICULO ADUMBRATAM,
VIRI
MAGNIFICI, SUMME REVERENDI,
CONSULTISSIMI,
DOMINI
D. JO. CHRISTOPHORI
SCHACHERI,
JCTI
CODICIS PROF. PUBL. ORDINARIJ, CURIÆ SU-
PREMÆ ELECTORALIS ET DUCALIS, AC FACULTATIS
JURIDICÆ ASSESSORIS, ACADEMIÆ DECEMVIRI, ET ECCLESIE
CATHEDRALIS MARTISBUROENSIS
CANONICI,
DIE XIX. MARTII ANNO M DCC XX.
PIE DEFUNCTI, SISTEBANT,
GRATAM FIDELISSIMI STUDIORUM SUORUM, CUM ADHUC
IN VIVIS ESSET, MODERATORIS, ET HOSPITIS BENIGNI
MEMORIAM CONSERVATURI,
JOACHIM. SIGISM. PLOETZ,
EQUES SAX.
HENNIG. GEBHARD. de STAMMER.

L I P S I Æ,

TYPIS JOANNIS HENRICI KOENIGII



Kapsel 78 N 14 [84]
x3165202

AK

Patere
VIR BEATISSIME,
mortuus,
laudes Tuas hic legi,
vivid

quas nunquam de Te prædicari passus es,
aut si modestia prorsus renuat,
Archetypum vivo depingi colore,
indulge saltem,

Typum qualem umbratili effingi pictura,
licet sine Appellea manu,
mente si modo sincera.

Sed quid Tibi publica inculcamus
Leſtor Honorande?

BEATUS

Originem debet Genti veteri claraque SCHACHERIANÆ,

Aut id fatis putas ad futuram gloriam,
aut ignoras Nominis præstantiam.

Fortes non nisi fortes producant :

SCHACHERI non nisi Viros publico bono natos,
Principi desiderabiles, Saxonix utiles, Academiae
necessarios, Curix salutare, & omnino sago
pariter ac toga celebres procreant.

Innata indoles statim in herba magna promittebat,
quæ pertinax industria perfecit,

erudicam eruditio dedit,
peregrinatio perpolivit, fortuna illustravit.
Nomina dabant vera omina.

JOHANNES omnibus gratiosum & amabilem,
CHRISTOPHORUS Christianæ probitatis vestigia

more, ore, re
circumgestaturum vere præfagiebat.

Inde prodiit

rara sanctimonix Jure Consultus,
& Politicus raro exemplo religiosissimus,
ut optio detur,

num in ipso magis Eruditionem piam,
an Pietatem eruditam admirari velis.

Habes enim Eo nihil sanctius,

& ad antiquæ innocentix exemplar nihil expressius.

Sub melle verborum non latebat cordis venenum.

Veritas nuda, fides incorrupta, Candor nullo fuce picturatus.

Aureos montes non promittebat, & dabat fumo repletos.

Amicitiam non utilitate, sed fide colebat.

Vanitatum erat spectator, non sectator.

Antiquam simplicitatem

blandientis sæculi lenociniis longe præferebat.

Honores non ambiebat, ultro tamen eum sequebantur.

Nihil suis, omnia Reip. commodis dabat.

Mira facilitate tolerabat etiam difficillimos,
adeo ut nunquam cum ullo redierit in gratiam.

In honore fastus, in fortuna supercilium,

in eruditione invidia, in opum affluentia auri fames,
in adversitatum procellis inconstantia exulabat.
Hicce si BEATUM deprehendas parem,
ceteris vix invenies imparem.

Habebat Philyrea
quo meliorem nunquam desiderabit.
Vivum Academiae serinium jure nomines,
in quo omnia,
quae ad ipsius statum iuraque pertinerent,
quasi in compendio recludebantur.
Præcipuum sacrae Themidos solamen appellites.
Ex frequenti lectione unicas delicias,
ex pauperum Musarum precibus gaudium,
ex consulentium turba animi remissionem capiebat.

Videbas Doctorem
in otio negotiosissimum,
in silentio eloquentissimum,
audiebas
in brevitate copiosum,
in obscuris perspicuum,
in incertis certum.

Erat
canæ antiquitatis non superstitiosus venerator,
nec noxiæ novitatis curiosus venator,
mira in primis cautione cavens,

ne Jurisprudentia in Lydium S. Scripturae lapidem impingeret.

Illustria Collegia gloriari poterant
de Oraculo non Dodonæo, aut Pythiæo,
sed Oraculo vere oraculo.

Non tacuit, cum respondere debuit,
non ambigue respondit, sed scapham scapham dixit,
non otiose assedit, sed negotiorum molem liberaliter divisit.

Fraudes legum mascule detexit,
ne veritas & justitia occultaretur.

Intricatos casus, ceu Nodos Gordios,
uno judicii ictu solvebat,

quod aliis non nisi ambagiosa opera liceret
Æquum ad instar boni justitiæ Sacerdotis custodiebat,
ne Lejulejis & Rabulis præda fieret.

Tot negotiorum decursus, tot controversiarum fines viderat,
ut in theoria acutus, in praxi sagacissimus esset.

Malorum enim imminentium cautelas mature præstruebat,
præsentium medelas solerter adferebat.

Hinc erat causarum

felix actor, felicior victor, felicissimus triumphator.
Omnem tamen turpem vincendi rationem abominabatur.

Aperto, non insidioso Marte certare volebat,
ne decepto sed palam fuso gauderet adversario,
ipsique quavis pugna Pacem

non turpem, sed gloriosam, Clientique lucrosam pareret.
Litium ambages ima radice præcidebat,
ne partes, unde lætum sperabant commodum,

Iuctuosum sentirent incommodum.
Viduarum & pupillorum causas gerere;
raro nostri aevi exemplo felicitatis putabat,
ut, qui minimum hodie habent praesidium,
in ipso invenirent maximum,

Omnino
nihil lucro, nihil amori, nihil personae concedebat,
omnia ad DEI gloriam, juris decempedam, sui conscientiam referebat.

Ast quo ferimur?
Quis SCHACHERI laudes computabit?

Quis ad vivum depinget?
Vis, Lector Honorande,
Iconem SCHACHERIANAM satis amplam
in angusta tabella?

PROFUIT.

Diem se perdidisse credidit, nisi prodesset;
prohibere tamen non potuit,
quo minus sua morte insigniter noceret.

Heu!

Causarum victor in mortis causa vincitur,
Aliis inferviens, ipse consumitur.

Ingemisce,

Publicum Emolumentum invida morte mortalitati ereptum,
non ingemisce tamen,
quod immortalitati fuerit redditum.

Incipit aeternam in caelis vitam vivere,
qui nunquam optimam in terris vivere desit.

Quietem invenit,

quam in inquieto mundi strepitu
anxie quaesitam invenire non potuit.

Viator!

Si haec casu transgrederis,
obfirma paulisper gradum,
morare, ut mirere

Iconem SCHACHERIANAM,
in ipsa mortis umbra
aeternis virtutum radiis adhuc illustrem.

Intuens tamen in eam,
bonus esto & cautus:

Bonus, ut Te similis maneat fama.

Cautus, ut, qui es, credas, te non futurum,
tua quoque quam primum ludetur fabula.

At ultimum;

Si bonos ames, precare nobiscum:

Ut Patrie nunquam deficiat SCHACHERUS,

verum

*in superstitie MAGNIFICI Fratris Prole
Posteritati ad Nestoris annos servetur
vivida SCHACHERI Icon.*

Illicet!

* * * * *

78 N 14 [84]

ICONEM ANIMI

LEVI PENICULO ADUMBRATAM,

VIRI

MAGNIFICI SUMME REVERENDI,

ULTISSIMI,

MINI

CHRISTOPHORI

ACHERI,

ACTI

ORDINARIII, CURIAE SU-

ET DUCALIS, AC FACULTATIS

ADEMIAE DECEMVIRI, ET ECCLESIAE

IS MARTISBUKUELGIS

CANONICI,

TII ANNO M DCC XX.

NCTI, SISTEBANT,

JDIORUM SUORUM, CUM ADHUC

RATORIS, ET HOSPITIS BENIGNI

IM CONSERVATURI,

SIGISM. PLOETZ,

QUES SAX.

ARD. de STAMMER.

PSIA,
IS HENRICI KOENIGIL.



Kapsel 78 N 14 [84]
X3165202

AK